

Sanhgyangh: Bae Hoihbo Hoh Cieng Cibngux

三江：赶坡会 闹元宵

2 nyied 20 hauh, Sanhgyangh Dungcuz Swciyen Laujbauj Yangh Laujbah Cunh banh ndwencieng cibsam cozdungj ciet hoihbo moix bi gvaq baez haenx, geij fanh boux gak cuz vunzlai daj Guengjsae、Huznanz、Gveicouh gak dieg daeuj haenx doxcomz youq giz haenx, aeu aenvenz caijdangz、roegdoxdoj、yezyej daengj hozdung lai cungj lai yiengh angqhoh cieng cibngux, gouz bi moq rumz dingh fwn yinz、haeuxgnw funksou. Laujbah hoihbo youq Cinghcauz Gyahging nienzgan hainduj, daengz seizneix gaenq miz 200 lai bi lizsij, caemhcaiq youq bi 2015 ndaej liedhaeuj Guengjsae gihgaep “feihyiz” mingzloeg.

(Vuz Lenyinh/吴练勋 Gungh Buj-gangh/龚普康)



▲Gyoengq dahsau diuq fouxavenz.

◀Bae hoihbo vienhciengz



▲Vunzlai ngonzyawj gaeqdoxdoj.

Ningzmingz Banh Conzdungj Vwnzva

Dijyuz Hozdung Angqhoh Cieng Cibngux

宁明举办传统文化

体育活动庆祝元宵节

2 nyied 21 hauh, Ningzmingz Yen Cwngz-cungh Cin banh conzdungj vwnzva diyyuz hozdung angqhoh cieng cibngux. Haeuj ndwencieng daeuj, Ningzmingz Yen haujlai mbanj hainduj banh ndawbiengz miuhhoih conzdungj caeuq ciet fwenbo Bouxcuengh, eu fwen、gaeqdoxdoj、ciengj bauqva、heiq caijdiu、fouxlungz fouxsaeeij daengj minzcuz conzdungj vwnzva diyyuz hozdung lai cungj lai yiengh, yinx ndaej haujlai vunzlai dangdieg gaenxmaenx camgya.

(Couh Yizgangh/周贻刚)

Fwen Feihyiz Hoh Ciengmoq

非遗山歌闹新春

2 nyied 17 hauh, Liujcouh Si Liujcwngz Yen banh fwenhoih, aeu coicaenh ndawbiengz fwen vwnzva doxgyau, fungfouq vunzlai ciengmoq vwnzva saedceij. Gyoengq canghfwen “Fwencuengh” caeuq cien boux doxhwnj bouxyawj daj Daibingz、Majsanh、Dunghcen z daengj yanghcin daeuj haenx doxcomz youq baksok hawfwen Dunghcen z Cin Duihoz Cunh doiq fwen, ciengq ok saedceij moq、siengjmuengh moq sw hgeij, gangj ok gij cingzngaih ndei sw hgeij gya ez saedceij、gya ez ranzmbanj, yinx ndaej le haujlai vunzlai daeuj dingq homx yawj. Ciuq cam rox, “Fwencuengh” dwg cungj fwen hingzik gvangqlangh riuz youq dieg Bouxcuengh comz youq he, seizneix gaenq liedhaeuj Guengjsae Bouxcuengh Swcigh feihvuzciz vwnzva yizcanj mingzloeg, caemhcaiq ndaej swnjcienz caeuq hwngfat haemq ndei.

(Dwng Gwyi/邓克轶)



▲Canghfwen cingq doiq fwen.

Mbanjmyauz Rag Gyong Hoh Cietndei

苗乡拉鼓庆佳节



▲Daenj buhvaq Myauzcuz ronghsag doxdax rag gyong.

2 nyied 18 hauh, ligga euq ndwencieng cib’ it, youq Yungzsuij Myauzcuz Swciyen Ganjdung Yangh, dangdieg beixnuengx Myauzcuz cingq banh rag gyong doxdax, angqhoh ndwencieng cibngeih ciet “rag gyong aenvenz buhbwnroeg” daeuj daengz.

Ciuq cam rox, binaengz ndwencieng cibngeih dwg ciet “rag gyong aenvenz buhbwnroeg” dangdieg moix bi gvaq baez haenx, ngoenzciet gonqlaeng duenh seizgan neix, dangdieg cungj banh rag gyong、boq aenvenz、diuq fouxavenz daengj vwnzva diyyuz hozdung gig miz daegsaek minzcuz naekna, angqhoh cietndei.

Dangdieg beixnuengx Myauzcuz doiq cwzvaiz daegbied gingqcungh, aen gyong aeu daeuj guh rag gyong doxdax haenx lij veh miz gya euq cwzvaiz, ei qsei dwg aen doih aen mbanj lawz rag gyong doxdax ndaej hingz, couhdwg ciengj ndaej le ciudaeuz ndei bi haenx funksou.

(Gungh Siengzyouj/龚祥友)